

Na osnovu člana 11. stav 2. i 3. i člana 124. Zakona o veterinarstvu F BiH („Službene novine F BiH“ broj: 46/00), člana 36. Zakona o izvršenju Budžeta Hercegovačko-neretvanskog kantona za 2025. godinu („Službene novine HNK“, broj: 4/25) ministar poljoprivrede, šumarstva i vodoprivrede, donio je:

PROGRAM
UTROŠKA NOVČANIH SREDSTAVA UTVRĐENIH BUDŽETOM HERCEGOVAČKO-
NERETVANSKOG KANTONA ZA 2025. GODINU NA POZICIJI «TRANSFERI U
VETERINARSTVU» ZA MINISTARSTVO POLJOPRIVREDE, ŠUMARSTVA I
VODOPRIVREDE

1.Period realizacije:	Od dana usvajanja Programa do kraja tekuće godine
2.Ukupna vrijednost:	180.000,00 KM
3.Namjena Programa:	Podrška mjerama zdravstvene zaštite životinja na područjima djelovanja koje su obuhvaćene Programom
4.Korisnici Programa:	Veterinarske organizacije, vlasnici životinja na područjima djelovanja – putem Javnog poziva za prikupljanje aplikacija za dodjelu sredstava
5.Izvor sredstava:	Budžet HNK za 2025. godinu, novčana sredstva utvrđena ekonomskim kodom 614000 „Transferi u veterinarstvu“ („Službene novine HNK“, broj 4/25)
6.Nositelj programa:	Ministarstvo poljoprivrede, šumarstva i vodoprivrede-Sektor veterinarstva
Odgovorna osoba:	Mario Jurica, ministar

UVOD

Programom utroška novčanih sredstava utvrđenih Budžetom Hercegovačko-neretvanskog kantona za 2025. godinu na poziciji „Transferi u veterinarstvu“ za Ministarstvo poljoprivrede, šumarstva i vodoprivrede, u daljnjem tekstu: Program, određuje se godišnji iznos novčanih sredstava podrške, vrste mjera i raspodjela po mjerama, cilj i svrha Programa.

Navedene aktivnosti i mjere će se provoditi na području Hercegovačko-neretvanskog kantona, u daljnjem tekstu: HNK.

Realizacijom programa Ministarstva poljoprivrede, šumarstva i vodoprivrede HNK, u daljnjem tekstu: Ministarstvo, obezbijedit će se povoljniji zdravstveni status životinja i ljudi te odrediti smjernice za nastavak aktivnosti.

Program za 2025. godinu rađen je prema:

- principima Strategije ruralnog razvoja HNK;
- odredbama Zakona o veterinarstvu F BiH („Službene novine F BiH“ broj 46/00);
- odredbama Zakona o izvršenju Budžeta Hercegovačko-neretvanskog kantona za 2025. godinu („Službene novine HNK“, broj: 4/25)
- odredbama pod zakonskih propisa iz oblasti nadležnosti Ministarstva,
- godišnjeg Plana rada Ministarstva poljoprivrede, šumarstva i vodoprivrede HNK.

POGLAVLJE I. CILJEVI I SVRHA PROGRAMA

Cilj programa je poboljšanje kvaliteta zdravlja životinja i zdravlja ljudi te zaštita od parazitarne bolesti i zoonotične bolesti.

Svrha Programa je uspostava kontrole zdravlja životinja, kontrole kretanja zaraznih i parazitarne bolesti te uspostavljanje stalnog nadzora nad pojavom pojedinih bolesti i stvaranje preduslova za zaštitu zdravlja i dobrobiti životinja, a samim tim i ljudi.

Program podrške realizovat će se:

- kroz Aktivnosti I. ovog Programa, program mjera dijagnostičkih ispitivanja pčelinjih zajednica epizootičkih jedinica u HNK za 2025. godinu.
- kroz prioritete mjere smanjila bi se incidencija pojave zaraznih i parazitarne bolesti (američka gnjičica pčelinjeg legla, varoza i nozemoza) kod pčelinjih zajednica i obezbijedio bi se povoljan zdravstveni status životinja obuhvaćenih ovim Programom.
- kroz Aktivnosti II. ovog Programa, pomoć veterinarskim organizacijama u opremanju i podizanju razine i kvalitete usluga i sufinansiranje edukacije ciljnih grupa (pčelara i veterinarima) o preventivnom upoznavanju novih bolesti pčela (tropilela-visoko patogeni).
- kroz Aktivnosti III. ovog Programa, sufinansiranje naknade štete čime bi se obezbijedilo pravično obeštećenje vlasnicima životinja, kojim je propisanim postupkom naređeno uništenje životinja, a po zahtjevu oštećenih vlasnika u skladu sa odredbama Zakona o veterinarstvu i pod zakonskim aktima.

POGLAVLJE II. AKTIVNOSTI PROGRAMA

Programom Ministarstva planiraju se provoditi sljedeće aktivnosti:

AKTIVNOST I.

1. Program mjera dijagnostičkih ispitivanja pčelinjih zajednica epizootioloških jedinica u HNK za 2025. godinu

Program mjera veterinarskim organizacijama sastoji se od:

1. prikupljanja i slanja materijala za dijagnostička ispitivanja,
2. dijagnostičko ispitivanje u referentnom laboratoriju za bolesti pčela i
3. postupanje po Zakonu o veterinarstvu („Službene novine F BiH“ broj 46/00) kod pozitivnih reaktora.

Nabavu potrebnih materijala za realizaciju usluga vršiti će veterinarske organizacije obuhvaćene ovim programom.

Zbog velike incidencije i pojave parazitarnih bolesti u pčelinjim zajednicama u HNK velika je opasnost od širenja parazitarnih i zaraznih bolesti na ostatak pčelinjih zajednica. Preventivni antiparazitarni tretman te indentifikacija vršit će se u cilju sprječavanja, otkrivanja, kontrole i suzbijanja parazitarnih i zaraznih bolesti pčelinjih zajednica na području HNK po članu 21. Pravilnika o uslovima za osnivanje i obavljanje veterinarske djelatnosti i načinu dodjele područja djelovanja („Službene novine“ FBiH 05/16). Nadležne veterinarske organizacije provodit će mjere ove aktivnosti na dodjeljenim područjima djelovanja, sa konta 37010004 „Transferi u veterinarstvu“, ekonomski kod 613 900 „Ugovorene i druge posebne usluge“ u iznosu od 100.000,00 KM.

Planirane mjere ove aktivnosti su dijagnostička ispitivanja pčelinjih zajednica na američku gnjiloću pčelinjeg legla, varozu i nozemozu.

Predviđena usluga uzorkovanja, transporta i dijagnostike ima vrijednosti 25 KM po uzorku.

Tablica 1. Broj prijavljenih košnica i raspodjela sredstava iz Aktivnosti I ovog Programa

Područje djelovanja	Broj košnica	Udio u ukupnom broju	Broj uzoraka	Iznos za isplatu
Opština Konjic	5024	11,60%	464	11.600,00 KM
Opština Prozor-Rama, Opština Jablanica	4000	9,23%	369	9.225,00 KM
"Mostar Istok"	5000	11,54%	462	11.550,00 KM
"Mostar Zapad"	9000	20,77%	830	20.750,00 KM
Opština Čitluk	5000	11,54%	462	11.550,00 KM
Opština Čapljina	7000	16,16%	646	16.150,00 KM
Opština Stolac	2000	4,62%	185	4.625,00 KM
Opština Neum, Opština Ravno	6300	14,54%	582	14.550,00 KM
UKUPNO	43324	100,00%	4000	100.000,00 KM

AKTIVNOST II.

1. Subvencioniranje opremanja veterinarskih organizacija na području HNK

Na osnovu člana 124. tačka 2. Zakona o veterinarstvu F BiH („Službene novine F BiH“ broj: 46/00), za provođenje navedenih aktivnosti podmirivanje troškova za prevenciju, suzbijanje i iskorjenjivanje zaraznih bolesti životinja koje su od posebnog interesa za kanton, te za edukaciju ciljnih grupa (pčelara i veterinarara) o preventivnom upoznavanju novih bolesti pčela (tropilela-visoko patogena) obezbjeđena su sredstva na poziciji organizacijske jedinice 37010004 „Transferi u veterinarstvu“, ekonomski kod 614 400 PA0005, „Subvencije za veterinarstvo“ u iznosu od 50.000,00 KM. Sredstva će se doznačiti nadležnim veterinarskim organizacijama kako slijedi:

Tablica 2. Raspored subvencija po veterinarskim organizacijama

Predmet	Veterinarska organizacija	Odobreni iznos KM
Subvencioniranje opremanja veterinarskih organizacija na području HNK	Veterinarska stanica „MoVet“ d.o.o. Mostar	5.000,00 KM
Subvencioniranje opremanja veterinarskih organizacija na području HNK	Veterinarska stanica „Sema-Vet“ d.o.o. Prozor -Rama	5.000,00 KM
Subvencioniranje opremanja veterinarskih organizacija na području HNK	Veterinarska stanica d.o.o. Stolac	5.000,00 KM
Subvencioniranje opremanja veterinarskih organizacija na području HNK	Veterinarska stanica MD Veterina d.o.o. Mostar	5.000,00 KM
Subvencioniranje opremanja veterinarskih organizacija na području HNK	Veterinarska stanica „VETAGRO“ d.o.o. Čapljina	5.000,00 KM
Subvencioniranje opremanja veterinarskih organizacija na području HNK	Veterinarska stanica d.o.o. Čitluk	5.000,00 KM
Subvencioniranje opremanja veterinarskih organizacija na području HNK	Veterinarska stanica d.o.o. Neum	5.000,00 KM
Subvencioniranje opremanja veterinarskih organizacija na području HNK	Veterinarska stanica d.o.o. Konjic	5.000,00 KM
Subvencioniranje opremanja veterinarskih organizacija na području HNK	Veterinarska stanica Rakitno- Vrpolje d.o.o. (Podružnica Višići)	5.000,00 KM
Sufinansiranje seminara "Izazovi i perspektive u pčelarstvu"	JU "Veterinarski zavod HNK"	5.000,00 KM
	UKUPNO :	50.000,00 KM

2. Sufinansiranje edukacije ciljnih grupa (pčelara i veterinarara) o preventivnom upoznavanju novih bolesti pčela (tropilela-visoko patogena)

JU „Veterinarski zavod HNK“ organizuje stručni seminar pod nazivom „Izazovi i perspektive u pčelarstvu“. Seminar okuplja stručnjake iz područja pčelarstva i veterinarstva, s ciljem razmjene znanja i iskustava te unaprjeđenja sektora pčelarstva u kantonu.

Pčelinje zajednice su izložene pojavi novih patogena uslijed tropifikacije. Parazitske grinje (tropilela) napadaju pčele gdje se njihova staništa preklapaju, hraneći se pčelama u razvoju i ubijajući ih. Dijagnostika je od presudnog značaja za rano suzbijanje ove vrste patogena koja uzrokuje veliku ekonomsku štetu.

AKTIVNOST III.

1. Sufinansiranje naknade štete – po zahtjevu stranaka

Za eutanazirane životinje i predmete uništene tijekom provođenja određenih mjera, a nakon provedenog postupka za utvrđivanje prava na naknadu štete, vlasnicima životinja 50% sredstava za naknadu štete obezbjeđuje i isplaćuje ovo Ministarstvo, a Federalno ministarstvo poljoprivrede, vodoprivrede i šumarstva preostalih 50% sredstava od procijenjene vrijednosti životinja i uništenih predmeta. Za provođenje sufinansiranja naknade štete obezbjeđena su sredstva na poziciji organizacijske jedinice 37010004 „Transferi u veterinarstvu“, ekonomski kod 614 200, „Naknada šteta“ u iznosu od 30.000,00 KM.

POGLAVLJE III. TRAJANJE PROGRAMA I KONTROLA UTROŠENIH SREDSTAVA

Veterinarske organizacije Aktivnost I. i II., moraju završiti do 01.11.2025. godine i o tome napraviti sveobuhvatan izvještaj. Kontrolu utrošenih sredstava vršit će kantonalni veterinarski inspektori preko kontrole izvještaja u veterinarskim organizacijama o provedenim mjerama i sektor veterinarstva ovog Ministarstva, svako u okviru svoje nadležnosti. Prikupljanje aplikacija za dodjelu sredstava (iz Aktivnosti I. i II.) putem javnog poziva objavit će se na službenoj web stranici Ministarstva. U slučaju da se na javni poziv ne javi veterinarska organizacija s područja djelovanja navedenog u Programu, sredstva će se raspodijeliti u jednakim dijelovima na prihvaćene veterinarske organizacije iz ostalih područja djelovanja.

POGLAVLJE IV. IZVJEŠTAJ O UTROŠKU SREDSTAVA

Nakon provedenih aktivnosti ovoga Programa, korisnici kojima su dodijeljena sredstva, u skladu sa Zakonom o izvršenju Budžeta HNK za 2025. godinu dužni su dostaviti Izvještaj o utrošenim sredstvima Ministarstvu.

Ukoliko korisnici sredstava ne dostave blagovremeno izvještaj o utrošku sredstava ili se utvrdi da su sredstva utrošena nenamjenski, isti su dužni izvršiti povrat sredstava na jedinstveni račun trezora.

Po realizaciji Programa Ministarstvo će Vladi HNK dostaviti Izvještaj o utrošku dodijeljenih novčanih sredstava.

POGLAVLJE V. STUPANJE NA SNAGU PROGRAMA

Ovaj Program stupa na snagu danom objave na web stranici Ministarstva (<https://mpsv-hnz-k.ba/>).

Broj: 04-20-403/25

Mostar, 25.03.2025. godine

